



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Michaelis Dilherri Contemplationes, Et Suspiria
Hominis Christiani**

Dilherr, Johann Michael

Norimbergae, 1660

VIII. De Adami, primi hominis, vestitu.

urn:nbn:de:hbz:466:1-10209

34 CONTEMPLATIONES
CONTEMPLATIO-
NUM ET SUSPIRIO-
RUM HOMINIS
CHRISTIANI

VIII.

*De Adami, primi hominis,
vestitu.*

TRansgressus est , eheu , Deus meus ! creatus abs te Adamus mandatum : prævaricatus est ; recessit ; inutilis factus est . Videre voluit , qvæ tu videre eum nolebas . Sed qvid , ah ! Deus meus ! vidi ? Vidi nuditatem suam . Prima qvidem nuditas nihil fuit aliud , qvam summæ felicitatis , & maximarum divitarum indicina : visa autem ab homine peccatore nuditas mera fuit ruina , æternæ infelicitatis & egestatis significatio .

Nudum se corpore videbat Protoplastus : nudior erat anima , scientiâ , sapientiâ , integritate , innocentia creatâ spoliata & exuta .

Pudore suffusus nuditatem tegebatur ;
sed

sed tegumento misero: consuit enim
folia ficus: & fecit sibi perizomata:
qvibus ipse, cum uxore seductrice, in-
volveretur. O cinctoria fragilia! ô
velamenta lamentabilia! Quid omnia
hominum vestimenta, tām sumtuo-
sa, tām splendida; nisi ficuum folia?
qvæ facile in nihilum abeunt. Aspera
sunt fici folia, & pungunt iis sese con-
tegentes: utinam, qvotiescunqve
vestes nostras induimus, asperitate
ac punctura penitentiæ solicitare-
mur! Indigentiae enim sunt admini-
cula, pudoris indicia, miseriæ argu-
menta, infirmitatis extremæ solatia.
Quid, homo peccator! lapsus & im-
pietatis ostensione superbis? qvid, fur!
restim ostentas? qvid vellus alienū ma-
gnifice jactas? qvid sub eo gestas, nisi
faccum stercore repletum, folliculum
animæ infirmissimū? Tua tibi pellis nō
sufficit; nec, nisi impudicissimus, eam
cuiquam ostendis: sed reqviris alienam,
qua tuæ subvenias. Vester meas intue-
or; malorum intueor barathrum: co-
gito tamen etiam, ô Deus meus! curæ,

C 4 provi-

56 CONTEMPLATIONES
providentiae, misericordiae tuæ abyssum. Nudo enim mihi & egentissimo,
antequam nuditatem & egestatem meam intelligo, succurris: & omnia ad
me animalia jubes accurrere: ut nudus
velent, egentem impleant. Quid &
ipse, Deus misericordissime! trans-
gressores vestivisti, vestitu, si memini,
pelliceo, agni vellere: non leonis, non
ursi, non vulpis, non lupi exuvias: ut
feritatem, rapacitatem, dolos & diri-
tatem te detestari, & candidam amare
simplicitatem, doceres. Vestem con-
fecisti ex mortuarum pecudum tergo-
ribus: ut ex vita, per lapsum, nos in
mortem esse delapsos, ex immortali-
bus factos esse mortales, terram esse,
& in terram reversuros, indicares.

Pellem desumisisti ab agno occiso:
ut lapsum nostrum solo sanari agno
posse occidendo, testificareris.

O aurei seculi indusium! O agne
incontaminata! credentibus ab origi-
ne mundi vise mactari. O promisse! O
definite ab æterno Messia! qui semen
factus es mulieris, & caput serpentis
CON-

contrivisti; indue me merito tuo: & meritum meum nihil mihi nocebit. Indue me justitia tua: & injustitia mea me non damnabit. Indue me sanctitate tua: & iniqvitas mea me non accusabit. Indue me fide in te: & stolam aliquando beatitatis ero accepturus.

Nihil tegere potest peccatricis nuditatis fecunditatem; nihil, in Dei iudicio, me potest abscondere: nisi tua, agne cœlestis! tunica; nisi vulnerum tuorum foramina; nisi hiantes corporis cicatrices. Te fide firma induam: &, cum Ecclesia, olim in conspectu tuo, triumphabo.

CONTEMPLATIO- NUM ET SUSPIRIO- RUM HOMINIS CHRISTIANI

IX.

*De diluvii arca, Noæcho,
corvo, columba.*

L Onganimis, Deus meus! es valdè; & ira tua spatum relinquit
C 5 pec-